

Cezti 10 Film-coated Tablet

Cetirizine Dihydrochloride 10 mg

Apakah yang ada pada risalah ini

1. Apakah kegunaan Cezti 10 film-coated tablet
2. Bagaimana Cezti 10 film-coated tablet berfungsi
3. Sebelum menggunakan Cezti 10 film-coated tablet
4. Cara menggunakan Cezti 10 film-coated tablet
5. Semasa menggunakan Cezti 10 film-coated tablet
6. Kesan-kesan sampingan
7. Cara penyimpanan dan pelupusan Cezti 10 film-coated tablet
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Cezti 10 film-coated tablet

Cezti 10 film-coated tablet digunakan pada dewasa dan kanak-kanak berusia 3 tahun atau lebih untuk merawat bengkak dan kerengsaan dalam hidung yang boleh berlaku semasa musim tertentu (musim rinitis) atau berlaku sepanjang tahun (rinitis alergik berterusan) dan urtikaria berasal alergi (gangguan alergi biasa di mana ruam kulit merah, gatal dan berketul-ketul muncul).

Bagaimana Cezti 10 film-coated tablet berfungsi

Cetirizine ialah ubat yang merencat tindakan histamin (amine yang didapati dalam semua tisu badan) dengan pengikatan kompetitif terhadap reseptor H1. Histamin bertanggungjawab ke atas banyak simptom yang disebabkan oleh alergi.

Cetirizine tidak merencat tindakan kolinerjik dan serotonin (dua jenis sistem neurotransmitter yang utama). Oleh itu kesan ini diperolehi tanpa perubahan sedasi atau tingkah laku.

Cetirizine juga merencat reaksi kulit yang didorong oleh sesetengah peptide yang dipercayai mengambil bahagian dalam reaksi alergik.

Sebelum menggunakan Cezti 10 film-coated tablet

- Bila tidak boleh menggunakan

Jika anda diketahui alergik terhadap mana-mana bahan kandungannya.

- Sebelum anda mula menggunakan Cezti 10 film-coated tablet

Jika mana-mana situasi yang dinyatakan di bawah berkenaan dengan anda, anda perlu memberitahu doktor sebelum mengambil ubat ini:

- Jika anda melakukan aktiviti yang memerlukan kewaspadaan mental.
- Keselamatan dan keberkesanan Cetirizine pada pesakit pediatrik di bawah umur 2 tahun belum ditetapkan.
- Perhatian perlu diberi kepada pesakit dengan kecacatan renal atau kecacatan fungsi hati yang ringan hingga sederhana.

- Jika mengambil ubat- ubat lain

Sila maklumkan doktor atau ahli farmasi jika anda sedang mengambil atau baru-baru ini telah mengambil sebarang ubat lain, termasuk ubat yang diperolehi tanpa preskripsi.

Setakat ini, tiada interaksi yang diketahui dengan ubat-ubat lain. Namun, ia perlu digunakan dengan berhati-hati jika sedatif juga sedang diambil.

Cara menggunakan Cezti 10 film-coated tablet

- Berapa banyak harus digunakan

Sentiasa mengambil Cezti 10 film-coated tablet tepat sebagaimana yang diarahkan oleh doktor. Doktor akan menentukan dos Cezti 10 film-coated tablet yang sesuai bergantung kepada keadaan anda dan sama ada anda sedang mengambil ubat- ubat lain.

- Dosis yang disyorkan pada kanak-kanak berusia antara 3 dan 6 tahun ialah 5 mg sehari, sama ada 2.5 mg dua kali sehari atau 5 mg sekali sehari.
- Dewasa dan remaja melebihi usia 12 tahun: 1 tablet (10 mg) sekali sehari. Jika rasa mengantuk berlaku, tablet boleh diberi pada sebelah petang.

- Kanak-kanak 6-12 tahun: 1 tablet (10 mg) sekali sehari atau 1/2 tablet (5 mg) diambil dua kali sehari (pagi dan petang).
- Untuk kanak-kanak yang berat badannya kurang daripada 30 kg: 1/2 tablet (5 mg) diambil sekali sehari.
- Ujian klinikal pada kanak-kanak tidak melebihi empat minggu.
- Cetirizine mungkin berbahaya pada pesakit dengan kecacatan renal yang teruk. Pada pesakit dengan kecacatan renal yang sederhana, dos perlu diselaraskan kepada 5 mg (1/2 tablet).

- Bila perlu digunakan

Cezti 10 film-coated tablet diambil pada bila-bila masa, dengan atau tanpa makanan.

-Berapa lama perlu digunakan

Penting untuk anda terus mengambil Cezti 10 film-coated tablet selagi doktor mempreskripsikannya untuk mengekalkan kawalan simptom anda yang lancar.

-Jika terlupa menggunakan

Cuba ambil Cezti 10 film-coated tablet setiap hari sebagaimana yang dipreskripsikan. Jika anda terlepas satu dos, ambilnya sebaik sahaja anda ingat. Jika waktu itu hampir dengan dos yang seterusnya, jangan ambil dos yang terlepas. Ambil sahaja dos yang seterusnya pada masa yang tetap.

- Jika mengguna berlebihan (terlebih dos)

Dos akut cetirizine yang dapat menyebabkan kematian pada manusia adalah tidak diketahui. Rasa mengantuk telah dilaporkan pada seorang dewasa yang mengambil 150 mg cetirizine hydrochloride; tiada kesan negatif lain, termasuk manifestasi klinikal, kimia darah yang abnormal, hematologi yang abnormal berlaku pada individu tersebut. Kegelisahan dan keadaan cepat marah diikuti dengan mengantuk telah dilaporkan pada seseorang kanak-kanak yang berusia 18 bulan yang telah mengambil kira-kira 180 mg cetirizine hydrochloride.

Cezti 10 Film-coated Tablet

Cetirizine Dihydrochloride 10 mg

Semasa menggunakan Cezti 10 film-coated tablet

- Perkara yang perlu dilakukan

- Apabila kehamilan dikesan, Cezti 10 film-coated tablet perlu digunakan dengan berhati-hati. Maklumkan doktor dengan segera.
- Cetirizine harus dielakkan semasa laktasi.

- Perkara yang tidak boleh dilakukan

Jangan melebihi dos yang disyorkan.

- Perkara yang perlu diberi perhatian

- Pada dos terapeutik, Cetirizine tidak mungkin menguatkan kesan alkohol (pada paras darah 0.8 g/l). Perhatian perlu, bagaimanapun diambil.
- Perhatian harus diberi apabila memandu atau mengendalikan jentera yang berbahaya.

Kesan-kesan sampingan

Seperti semua ubat, Cezti 10 film-coated tablet boleh menyebabkan kesan sampingan, walaupun tidak semua orang mengalaminya.

Kesan-kesan sampingan berikut telah dilaporkan:

- Keresahan.
- Mulut kering.
- Mengantuk.
- Sakit kepala.
- Agak sekali-sekala, simptom hipersensitiviti telah dilaporkan.

Jika mana-mana kesan sampingan ini menjadi serius, atau jika anda perhatikan

sebarang kesan sampingan yang tidak disenaraikan dalam risalah ini, sila maklumkan doktor.

Anda boleh melaporkan sebarang kesan sampingan atau kesan adwers ubat kepada Pusat Pemantauan Kesan Adwers Ubat Kebangsaan melalui laman web npra.gov.my [Consumers → Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan Cezti 10 film-coated tablet

- Penyimpanan


Tarikh luput pek ini tercetak pada kotak. Jangan gunakan pek ini selepas tarikh luput. Jangan simpan melebihi 30°C. Simpan di tempat yang kering. Lindungi daripada cahaya. Jauhkan semua ubat daripada kanak-kanak.

- Pelupusan

Ubat tidak harus dilupuskan melalui sisa air atau sisa rumah. Tanya ahli farmasi bagaimana melupuskan ubat yang tidak lagi diperlukan. Langkah ini akan membantu untuk melindungi alam sekitar..

Maklumat lanjut

- Rupa dan warna produk

Cezti 10 muncul sebagai tablet putih berbentuk caplet, bersalut film, biconvex, terukir logo “” pada satu muka dan garis patah pada muka lain.

Ia dibungkus dalam kotak kadbod (pek 50).

- Bahan-bahan kandungan

Bahan aktif: Cetirizine Dihydrochloride 10 mg.
Bahan tidak aktif: Lactose monohydrate, Maize starch, Purified talc, Magnesium stearate, Povidone, Hypromellose, Polyethylen glycol 6000 dan Titanium dioxide.

- Nombor MAL: MAL06021190AZ

Pengilang dan Pemegang Pendaftaran Produk

- Pengilang

STELLAPHARM J.V. CO., LTD. – BRANCH 1 (A Joint Venture Company of Auxilto GmbH, Germany)
No. 40 Tu Do Avenue, Vietnam - Singapore Industrial Park, An Phu Ward, Thuan An Town, Binh Duong Province, Vietnam.

- Pemegang Pendaftaran Produk

Stadpharm Sdn.Bhd
E-9-01, Oasis Square, Ara Damansara.
No: 2, Jalan PJU 1A/7A, 47301 Petaling Jaya, Selangor Darul Ehsan, Malaysia.

Tarikh kemaskini RiMUP

- 05/11/2020

Nombor Siri:

NPRA(R2/1)200311/389